

玉

海

十一

玉海卷第二十

浚儀王應麟伯厚甫

地理

山川

黃帝空桐山

史記紀東至于海西至于空桐

韋昭曰在隴右正北括地志山在肅州

福祿縣東南六十里古西戎地抱朴子內篇黃帝從廣成子受自然之經卽此山又笄頭山一名空桐山在原州平高縣西百里酈元云大隴山異名莊子廣成子學道空桐山黃帝問道在此蓋二處皆云黃帝登之未詳孰是登雞頭南至于江登熊湘北逐葷粥合符釜

山而邑于涿鹿之阿贊予西至空桐北過涿鹿長老

各稱黃帝堯舜之處風教固殊 莊子黃帝立爲天子聞廣成子在於空桐之上往見之釋文爾雅云北戴斗極爲空同一曰在梁國虞城東三十里司馬云當北斗下山也 漢武帝元鼎五年冬十月至隴西登空桐 王元之有空桐山銘

黃帝五山

見羣祀

堯山

前地理志中山國唐縣注堯山在南應劭曰故堯國也唐水在西張晏曰堯爲唐侯國於此堯山在唐東

北望都界望都縣注張晏曰堯山在北堯母慶都山在南登堯山見都山故以爲名 張衡南都賦奉先帝而追孝立唐祀乎堯山注水經曰南陽縣西堯山酈元曰魯縣立堯祠於西山謂之堯山

舜十二州山川

舜典肇十有二州封十有二山濬川 程氏曰封表其山爲一州之鎮 夏氏曰封殖十二州之山與其川而深濬之孔氏以封訓大每州取山之殊大者以爲一州之鎮 胡氏曰川之交會非若山之可以州別若江出岷山梁州而患在荆揚河出崑崙雍州而

患在徐兗故不言十二

舜歷山

續志濟陰郡成陽有雷澤注帝王世紀舜耕歷山漁
雷澤濟陰有歷山河東郡蒲坂注縣南二十里有歷
山舜所耕處 水經蒲坂注郡南有歷山謂之歷觀
舜所耕處有舜井嬀汭出水二焉上有舜廟 曾鞏
曰圖記皆謂齊之南山爲歷山

禹九州山

山川名 山川次秩

禹貢奠高山大川序禹別九州隨山濬川正義奠高
山大川言禹治九州之水水害旣除定山川次秩自

導岍至嶓冢所治之山首尾相及導弱水至洛所治之水發源注海定其次秩尊卑使知祀禮所視山高者莫高於岳川大者莫大於瀆五岳嵩岱衡華常四瀆江河淮濟舜典云望秩山川故言定其差秩王制云五岳視三公四瀆視諸侯其餘視伯子男荆岐旣旅蔡蒙旅平九山刊旅是次秩旣定故旅祭之九州之次以治爲先後治水皆從下爲始冀州帝都於九州近北故首從冀起自兗已下皆準地之形勢從下向高從東向西雍地最高故在後此經大體每州之始先言山川後言平地青梁先山後川徐雍先川後

山兗揚荆豫有川無山揚豫不言平地史以大略爲

文冀州之分言及雍州之山從東循山治水而西故

也班固漢書地理志據前漢郡縣言山川所在禹貢分州

必以山川定經界州縣之設呂刑禹平水土有

名山川注禹治洪水山川無名者主名之史記夏

本紀禹乃行相地宜所有以貢及山川之便利禹行

自冀州始漢張騫傳贊言九州山川尙書近之矣

至禹本紀山經所有放哉史大宛傳同又曰所有怪物余不敢言之也

爾雅從釋地已下至九河皆禹所名也莊子天下

篇墨子曰禹湮洪水決江河通四夷九州名川三百

支川三千小者無數 冀之壺口梁岐岳陽碣石雷
首底柱析城王屋太行常山大伾青之岱萊徐之蒙
羽嶧陽揚之敷淺原荆之荆衡內方大別豫之熊耳
外方桐柏陪尾梁之華陽岷嶓蔡蒙雍之荆岐終南
厚物鳥鼠三危積石龍門岍西傾朱圉華陰此九州
之山也冀之衡漳常衛孟津降沅沔之九河雷夏灘
沮濟漯青之濰淄汶徐之淮沂泗大野揚之彭蠡三
江震澤荆之江漢九江沱潛雲夢滄浪三澨澧豫之
伊洛瀍澗滎波荷澤孟豬梁之黑水亘汙雍之西河
弱水涇渭漆沮澧此九州之川也每州言境內之山

川又聯貫首尾從西南東以著自然之形勢先隨山而後濬川自導岍至敷淺原皆導山之事自導弱水至導洛凡九條皆導水之事自北而南言山以爲水之經言水以爲山之紀九山刊旅九川滌源九澤既陂四海會同禹功之全可見矣

禹九江 九水 九江圖

禹貢荆及衡陽惟荊州江漢朝宗于海九江孔殷注江於此州界分爲九道甚得地勢之中釋文潯陽地記曰禹疏九江一曰烏白江二曰蚌江三曰烏江四曰嘉靡江五曰畎江六曰沙源江七曰廩江八曰堤

江一作隄

九曰箇江

一作茵

張須元緣江圖云一曰三里

江二曰五州江三曰嘉靡江四曰烏土江五曰對江
六曰白烏江七曰箇江八曰沙提江九曰廩江參差
隨水長短或百里或五十里始於鄂陵終於江口會
于桑落洲太康地記曰九江劉歆以爲湖漢九水入
彭蠡澤也正義傳以江是此水大名九江謂大江分
而爲九猶大河分爲九河鄭云九江從山谿所出其
孔眾多言治之難也鄭意九江名自別源其源非大
江也下流合于大江耳應劭注地理志云江自潯陽
分爲九道符於孔說潯陽記有九江之名烏蟬烏白

嘉靡畎源廩提箇雖名起近代義或當然

賈耽謂江有八洲與

江爲九

所導凡有九水大意自北爲始弱水最在西北

水又西流故先言之黑水雖在河南水從雍梁西界
南入南海與諸水不相參涉故又次之四瀆江河爲
大河在北故先言河也漢入于江故先漢後江其濟
發源河北越河而南與淮俱爲四瀆故次濟次淮其
渭與洛俱入于河故後言之流水多矣此舉大者言
耳弱黑泆水不出于山其餘六水又與山連不言水
積石山非河上源記施功之處淮渭洛言自某山皆
是發源 夏本紀九江甚中注鄭立曰地理志在尋

陽南皆東合爲大江索隱曰張氏九江圖所載有三里五畝烏土白蚌河渠書太史公曰余南登廬山

觀禹疏九江

漢志蜀郡湔氐道注禹貢嶧山在西

徼外江水所出東南至江都入海過郡七行二千六

百六十里廬江郡尋縣注禹貢九江在南皆東合爲

大江九江郡注應劭曰江自廬江尋陽分爲九

文

逕江賦源二分於岨峽流九派乎潯陽

注尚書曰荊州九江孔殷

淮南子禹鑿江而通九路

曾氏曰沅漸元辰敘

酉湘資醴水皆合洞庭中東入于江是爲九江導江曰過九江至于東陵今之巴陵巴陵之上卽洞庭也

因九水所合遂名九江水經九江在長沙下雋西北
楚地記曰巴陵瀟湘之淵在九江之間夏氏取曾說

水經引庾仲雍江記 選洞簫賦注引江圖 選

詩注引庾仲雍江圖 隋志庾仲雍江記五卷漢水

記五卷尋江源記一卷唐志五卷釋道安四海百川水源

記一卷張氏江圖一卷劉氏江圖二卷唐志失姓名唐

志張容九江新舊錄三卷

文選注周書曰禹渫七十川大利天下 莊子禹親

自操橐耜而九雜天之川

禹三汀

禹貢淮海惟揚州彭蠡既豬陽鳥攸居三江既入震

澤底定釋文韋昭曰三江謂吳松江錢塘江浦陽江

也吳地記云松江東北行七十里得三江口東北入

海爲婁江東南入海爲東江并松江爲三江

庚仲初吳都賦

注同郭璞曰岷浙松江正義孔傳云自彭蠡江分爲三入震澤

遂爲北江入海鄭玄以爲入于海不入震澤今南人

以大江不入震澤震澤之東別有松江等三江

史記夏本紀三江既入注索隱曰按地理志有南江中

江北江是爲三江其南江從會稽吳縣南東入海

卽松江

也江中江從丹陽蕪湖東北至會稽陽羨縣東入海北

江從會稽毗陵縣東北入海故下文東爲中江又東
爲北江孔安國云有北有中南可知也正義吳郡東
南三十里名三江口一松江古笠澤一上江亦曰東
江亦曰婁江周禮職方氏揚州其川三江疏
江至尋陽南合爲一東行至揚州入彭蠡復分爲三
道入海 漢地理志注師古曰三江謂北江中江南
江也震澤在吳西卽具區也 溝洫志於吳則通渠
三江五湖 管子夏人之王外鑿二十蚩濊十七澨
疏三江鑿五湖道四涇之水以商九州之高以治九
藪民乃知城郭門閭室屋之築而天下化之 荀子

成相禹有功抑下鴻北決九河通十二渚疏三江

淮南子舜乃使禹疏三江五湖闢伊闕導瀍澗水

經南江東北爲長濱歷河口東南注于具區謂之五

湖口東則松江出焉謂之三江口

又曰江水奇分謂之三江口

蘇氏曰豫章江入彭蠡而東至海爲南江岷山江之

經流會彭蠡以入海爲中江漢自北入江匯于彭蠡

以入海爲北江三江入海則吳越始有可宅之土而

水所鍾者獨震澤而已

禹貢正義孔意江從彭蠡分爲三又共入震澤從震澤復

分爲三乃入海蘇氏破其說謂安國未嘗南遊

曾氏曰考於地志豫章之

川如彭水鄱水塗水之類凡九水合於湖漢東至彭

蠡入江此九水蓋南江也南江乃江之故迹非禹所導禹導漢水入焉與舊江合流而水之派分爲南北故漢爲北江又導岷山之江入焉其流介乎二江之中故爲中江南江乃故道故經不志

夏氏取曾說

葉氏曰漢至大別南入于江爲南江與中江北江爲三 蔡氏曰庾仲初吳都賦注松江下七十里分流東北入海者爲婁江東南流者爲東江并松江爲三江其地今亦名三江口吳越春秋所謂范蠡乘舟止三江之口者是也

吳越春秋以三江爲浙浦陽剡

諸家各指近震

澤諸江爲三江蘇氏指秣陵京口一江爲三江按今